

ij 96

L O R N A,

E X C A M B D E N O.

Berogomum.

Logh Aber.

LOrna generosi hordei ferax habet ad vastum lacum, *Leave* dictum, *Berogomum* castrum, in quo olim iustitiæ forum, & haud procul *Dunstafag*, id est, *Mons Stephani*, quondam regum habitatio, supra quod *Lacus Aber*, in terram tam longè ex occiduo mari se infinuat, ut lacui *Nesso*, qui in Orientalem Oceanum se emittit, nisi angusto spatio montes interpositi dirimissent, confluxisset. In hac celeberrimum est *Tarbar* in *Logh-Kinkeran*, ubi Parlamentaria auctoritate *Iacobus Quartus* Iusticiarium & Vicecomitem constituit, qui australium insularum incolis jus administraret. Has regiones, & ulterio-

res, anno incarnationis Dominicæ d. cv. tenuerunt *Picti*, quos *Septentrionales Pictos* vocat *Beda*, ubi prodit illo anno *Columbanum* ex *Hibernia Presbyterum* & *Abbatem* habitu & vita *Monachi insignem* in *Britanniam* ad hos qui arduis atque horrentibus montium jugis ab australibus *Pictorum* regionibus fuerunt sequestrati, religione Christiana imbuendos advenisse, eosque in præmium *Hij* insulam, nunc *I-Combkill* quæ objacet, illi concessisse, de qua suo loco. *Lornæ Domini* superiori ævo fuerunt *Stewarti*, hodie autem per *foemellam* eorum hæredem, *Argathelia* Comites, qui hoc in honorario suo titulo ubique præferunt. ADDIT. Et illorum filii natu majores. ADDIT. appellantur *Lornæ Domini*.



Scotia.

Tt 2